

**3223. fundur bæjarráðs, haldinn í fundarherbergi 3. hæð, Stillholti 16-18,
26. október 2017 og hófst hann kl. 08:15.**

Fundinn sátu:

Ólafur Adolfsson formaður, Kristjana H. Ólafsdóttir varamaður, Ingibjörg Valdimarsdóttir aðalmaður, Vilborg Þ. Guðbjartsdóttir áheyrnarfulltrúi, Ingibjörg Pálmadóttir áheyrnarfulltrúi, Sævar Freyr Þráinsson bæjarstjóri og Steinar Dagur Adolfsson sviðsstjóri stjórnsýslu- og fjármálasviðs.

Fundargerð ritaði: Steinar Adolfsson, sviðsstjóri.

Fyrir tekið:

1. 1701009 - Fundargerðir 2017 - menningar- og safnanefnd

46. fundargerð menningar- og safnanefndar frá 14. október 2017.
47. fundargerð menningar- og safnanefndar frá 17. október 2017.

Lagðar fram.

2. 1710170 - Málefni Spalar

Fulltrúar Spalar ehf., Gísli Gíslason stjórnarformaður, Arna Tryggvadóttir endurskoðandi og Jónas A. Aðalsteinsson lögfræðingur, mæta á fund bæjarráðs til þess að kynna fyrirhuguð skil Hvalfjarðargangna til ríkisins á árinu 2018.

Bæjarráð þakkar fulltrúum Spalar fyrir komuna og greinargóða yfirferð um stöðu málsins. Bæjarráð samþykkir fyrirbyggjandi áætlun og forsendur um fyrirhuguð skil á göngunum til ríkisins.

Bæjarráð leggur áherslu á að forsvarmenn Spalar veiti bæjaryfirvöldum upplýsingar um framvindu viðræðna við ríkið og að umferðaröryggi verði tryggt með sem bestum hætti eftir afhendingu gangnanna líkt og verið hefur í tíð Spalar.

3. 1710060 - Bjarg íbúðafélag - húsnæðisstofnun

Fulltrúar frá Bjargi íbúðafélagi, Björn Traustason framkvæmdastjóri og Þröstur Bjarnason verkefnastjóri, komu og kynntu starfssemi félagsins fyrir bæjarráði.

Bæjarráð þakkar greinargóða og áhugaverða kynningu á starfsemi íbúðarfélagins.

Bæjarráð samþykkir viljayfirlýsingu um samstarf við Bjarg íbúðafélag um uppbyggingu leiguíbúða á Akranesi í samræmi við ákvæði laga nr. 52/2016 um almennar íbúðir.

4. 1708093 - Fjárhagsáætlun 2018 (og vegna tímabilsins 2019 - 2022)

Áframhaldandi fjárhagsáætlunarvinna fyrir árið 2018 (2019 - 2022).
Ákvörðun um tímasetningu aukafunda.

Bæjarráð samþykkir að aukafundur vegna fjárhagsáætlunar verði haldinn 1. nóvember næstkomandi kl. 08:15 - 10:00.

5. 1709038 - Styrkir til greiðslu fasteignaskatts 2017

Tillaga sviðsstjóra stjórnýslu- og fjármálasviðs um úthlutun fasteignastyrkja fyrir árið 2017.

Bæjarráð samþykkir úthlutun til eftirfarandi aðila:

Akur frímúrarastúka samtals kr. 717.953

Oddfellow samtals kr. 581.724

Skátafélag Akraness samtals kr. 324.453

Rauði Krossinn samtals kr. 148.649

Hestamannafélagið Dreyri samtals kr. 258.172

Heildarfjárhæðinni, samtals kr. 2.030.951, verður ráðstafað af liðnum 20830-5946 en þau félög sem eiga rétt á úthlutun fá styrk sem nemur 78% af fasteignaskatti C.

6. 1710124 - Tölvu- og kerfismál

Tillaga sviðsstjóra stjórnýslu- og fjármálasviðs um tölvu-og kerfismál hjá Akraneskaupstað.

Bæjarráð samþykkir að veita heimild til ráðningar kerfisstjóra hjá Akraneskaupstað. Um er að ræða nýtt stöðugildi á stjórnýslu- og fjármálasviði.

7. 1708205 - Skátafélag Akraness - húsaleigusamningur 2017

Á fundi bæjarráðs þann 24. ágúst síðastliðinn samþykkti bæjarráð að hefja undirbúning innritunar barna fædd í upphafi árs 2016 fyrr en áætlanir gerðu ráð fyrir og að gerð leigusamnings við Skátafélag Akraness um notkun húsnæðis félagsins að Háholti 24 fyrir leikskóladeild yngri barna.

Ekki er talin þörf á viðbótarhúsnæði til að mæta þessu markmiði á árinu 2018.

Bæjarráð samþykkir að innritun barna fæddra í upphafi árs 2016 verði eins og áður hafði verið ákveðið.

Bæjarráð felur bæjarstjóra frekari úrvinnslu málsins gagnvart Skátafélaginu m.a. með hliðsjón af framtíðarþörf Akraneskaupstaðar fyrir viðbótarhúsnæði vegna inntöku leikskólabarna á Akranesi og að tillögur verði lagðar fyrir viðkomandi fagráð.

8. 1709093 - Menningarverðlaun Akraness 2017

Tillaga menningar- og safnanefndar um menningarverðlaun Akraness 2017.

Bæjarráð samþykkir tillögu menningar- og safnanefndar um menningarverðlaun Akraness 2017.

9. 1710155 - Mæðrastyrksnefnd - jólaúthlutun 2017

Erindi Mæðrastyrksnefndar Akraness um áframhaldandi stuðning fyrir jólaúthlutun 2017.

Bæjarráð samþykkir jólaúthlutun til Mæðrastyrksnefndar Akraness að fjárhæð kr. 250.000.

10. 1710136 - Faxaflóahafnir fá umhverfsvottun ISO 14001

Erindi frá Faxaflóahöfnum um merkileg áfangaskipti innan fyrirtækisins en þann 12. september sl. náðist sá áfangi, fyrst hafna á Íslandi, að fá umhverfisstjórnunarkerfi fyrirtækisins vottað í samræmi við alþjóðlega umhverfisstaðalinn ISO 14001.

Bæjarráð fagnar þessum áfanga í starfsemi Faxaflóahafna og óskar forsvarmönnum félagsins innilega til hamingju með árangurinn.

11. 1710167 - Ísland atvinnuhættir og menning - útgáfa ritverks

Erindi útgáfufyrirtækisins SagaZ um útgáfu verksins Ísland, atvinnuhættir og menning 2020.

Bæjarráð þakkar erindið en getur ekki orðið við því að þessu sinni.

Fleira ekki gert, fundi slitið kl. 13:30.

*Ólafur Þorsteinsson
Fuglögur Baldursson.
Vilborg Þ. Guðbjartsd.
Fuglögur Þorsteinsson.
Sæm Frósa Kristinn
Lisbjarna H. Ólafsdóttir.
Sæm Hólmyrar*